

KERATAN AKHIR

SINAR HARIAN

14 Februari 2025

BERITA [Follow](#) > Nasional [Follow](#)

PM New Zealand minat inisiatif Jabatan Audit Negara tingkat ketelusan

14 Februari 2025 10:58am
Masa membaca: 1 minit



Wan Suraya (dua dari kiri) ketika dijemput sebagai tetamu kehormat Luxon di bawah program Felo ASEAN Perdana Menteri dari 11 hingga 13 Februari lepas di Wellington. - Foto: FB JAN

Untuk berita terkini Sinar Harian, ikuti di [Telegram](#) dan [TikTok](#) kami

KUALA LUMPUR - Perdana Menteri New Zealand, Christopher Luxon menyatakan minat terhadap inisiatif yang diperkenalkan kerajaan terutama Jabatan Audit Negara (JAN) dalam meningkatkan ketelusan, integriti dan akauntabiliti pengurusan kewangan kerajaan melalui aktiviti pengauditan.

Perkara itu dinyatakan dalam pertemuan dengan Ketua Audit Negara, Datuk Seri Wan Suraya Wan Mohd Radzi yang dijemput sebagai tetamu kehormat Luxon di bawah program Felo ASEAN Perdana Menteri dari 11 hingga 13 Februari lepas di Wellington.

"Luxon turut menzahirkan keterujaannya terhadap inisiatif digital yang dilaksanakan oleh JAN seperti papan pemuka dalam talian Ketua Audit Negara (AG's Dashboard) dan Sistem e-SelfAudit," kata jabatan itu menerusi hantaran Facebook hari ini.

Jabatan itu berkata Wan Suraya turut mengadakan kunjungan hormat ke atas Menteri State Owned Enterprises New Zealand, Simeon Brown; Ketua Audit Negara New Zealand, John Ryan; Ketua Ombudsman, Peter Boshier; dan Pengarah Serious Fraud Office (SFO) Karen Chang.

Beliau turut mengadakan kunjungan hormat ke atas Pesuruhjaya Tinggi Malaysia ke negara itu Mazita Marzuki dan mempengerusikan Mesyuarat Penutup Pengauditan Suruhanjaya Tinggi Malaysia di New Zealand. - Bernama